



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Tranen. Archiepiscopo, & Brundusin. Archidiacono.

urn:nbn:de:hbz:466:1-20006

ratione provida statuisti, quibusdam decimis, quæ ad sumptus episcopales specialiter pertinere dicuntur, ut eis materiem cuiuslibet difficultatis auferres, universorum procurationi perpetuò deputatis. Nos igitur, venerabilis in Christo frater, tuis justis postulationibus grato concurrentes assensu, prædictam constitutionem, sicut de consilio Metropolitani tui & assensu Canonicorum Ecclesie tuae provide facta est, auctoritate apostolica confirmamus &c. Nulli ergo &c. Datum Romæ &c. XII. Kalend. Iulij &c.

NICOLAO MILITEN.
Episcopo.

Epi. 294.
Vt à decessori-
bus alienata re-
vocentur.

Sicut ex officio quod nobis est divina clementia propitiante commissum tenemur his quæ rite ac secundum formam canonicam peracta esse noscuntur, robur auctoritatis apostolice impertiri, sic ad ea in irritum reducenda quæ minus licetè noverimus attenta, studium nos convenit & operam impendere diligentem. Nos igitur indemnitati tuae Ecclesiae providere voluntates, ut univera tam mobilia quam immobilia, quæ à prædecessoribus tuis velà Canonicis Ecclesiae tuae seu à quibusunque personis in præjudicium tuum ac Ecclesiae tuae illicitè collata, subtratta, seu alienata fuerunt, liceat tibi sine alicuius appellationis impedimento ad ius tuum & Ecclesiae tibi commissa legitime revocare fraternitati tuae liberam auctoritate præsentium tribuimus facultatem. Nulli ergo &c. Datum Romæ apud sanctum Petrum VII. Kalend. Iulij.

TRANE N. ARCHIEPISCOPO,
& Brundusin. Archidiacono.

Epi. 295.
Commititur
eis causa Phi-
lippi Notarij
sui, contra Tho-
mam VI. sup. r
Cantoria Hy-
druntina.

Cum litigaturus super Cantoria Ecclesiae Hydruntin. Thomas Clericus ad nostram præsentiam accessisset, quia dil. filius magister Philippus Notarius noster super ea ipsi se adversarium opponebat dicens Cantoriam ipsam sibi fuisse canonice assignatam, nos eis dilectum filium G. sanctorum Cosmæ & Damiani Diaconum Cardinalem concessimus auditorem: coram quo ex parte prædicti T. taliter dicitur fuisse propositum, quod cum ipse Cantoriam ipsam canonice fuisse adeptus, & ferè per viginti annorum spatium pacifice tenuis-

set, & Roman veniens, ab Albertino quondam mercatore mutuò recepit pecuniam ei apud Hydruntum cum accessionibus exolvendam. Cumque dictus Al. propter ipsam recipiendam Hydruntum ivisset, ibidem infirmitate gravatus de pecunia ipsa disposuit: quam cum post ejus obitum idem T. erogare intenderet secundum arbitrium testatoris, Iohannes, qui G. reliquit ipsius Alb. duxerat in uxorem, ad venerabilem fratrem nostrum Hydruntinum Archiepiscopum à sede apostolica literas impetravit, in quibus habebatur ut quia dictus T. ad terminum constitutum pecuniam non solverat memoratam, & propter hoc reus erat præstiti juramenti, ipsum cogere ad eandem pecuniam exolvendam, & pro perjurio ipsum ad Rom. Ecclesiam destinaret. Cum autem ipse saepedictam pecuniam conquerenti juxta mandatum apost. persolvisset, & dictus I. publicè fuisse & sponte confessus quod memoratus T. super solutione ipsius pecuniæ non præstisset juratoriam cautionem, sed ipse id ad terrorem in literis apostolicis fecisset apponi, accedente propter hoc ipsius nuncio ad apost. sedem, & dicto prædecessori nostro rei seriem exponente, ipse per literas dilecti filii nostri I. tt. S. Stephani in Ccelio monte Presbyteri Cardinals Archiepiscopo memorato mandavit ut ab eodem T. super perjurio quod dictus fuerat incurrisse purgatione recepta, ipsum non permitteret super ea ultius molestari. Licet autem dictus Archiepiscopus purgationem ipsius, qui eam spontaneus offerebat, primò recipere distulisset, ei tamen indixit ut de perjurio, adulterio, homicidio, & aliis criminibus se purgaret; indulcta sibi super hoc consilij libertate, & nulla ei pena penitus irrogata. Ceterum cum idem T. reversus ad ipsum, humiliter rogavisset ut eum indebitè non gravarer, & ad sedem apostolicam appellasset, ipse eum ab officio Cantoriae suspendit, & post appellationem iterum interpositam ad ap. sedem in eum excommunicationis sententiam ferre & beneficiis suis non est veritus spoliare; cantoriam ipsam dicto Notario nostro assignans, ut apud sedem apostolicam eum patronum sibi & ei redderet inimicum. propter quod idem T. primò restitui postulabat, ac postmodum suam causam audiri. Ve-

rūm ex adversa parte memoratus Notarius noster literas nobis ipsius Archiepiscopi præsentavit, ad bonæ memoriae Clementem Papam prædecessorem nostrum directas: in quibus erat expressum, quod cùm Archiepiscopus ipse apostolicas & tam dicti Cardinalis quam venerabilis fratrī nostri Sipontini Archiepiscopi, qui tunc apud sedem apostol. morabatur, literas receperit ut dictum T. de perjurio quod commissile dicebatur, quoniam ad statutum terminum, prout juramento firmaverat, pecuniam non solverat memoratam, purgationem præstare compelleret, ipse accitis ad se Liciensi, Leucadensi, & Augentinensi Episcopis suffraganeis suis, sub apostolica ei auctoritate indixit ut septima manus de perjurio se purgaret; adjiciens ut quia fama exierat quod dictus Al. in domo sua fuerat interfectus, (cujus certum erat indicium quod nec à capellano, qui ad hoc in terra illa est specialiter deputatus, viaticum receperat, nec confessus fuerat alicui sacerdoti, nec pulsata fuerant in ejus decessu campanæ, & ejus erat sepultura incerta) super reatu homicidij tertia se compurgantium manu ostenderet innocentem; præcipiens etiam quod de adulterio diffamatus fuerat, & à justitiariis propter hoc aliquando missus in carcerem, & quia cum quadam commatre sua conjugata incestum & adulterium commissile publicè dicebatur, pro incestu septimæ, & pro adulterio tertiae manus, non tam delegata quam ordinaria fungens auctoritate, indixit. quam quia contumaciter præstare contempnit, ipse mandatum apostolicum exequens, & à justitiæ tramite non recedens, eum ab officio & dignitate suspendit, donec de præmissis omnibus se purgaret. Cùm autem dictus T. sententiam suspensionis contemneret, & sicut prius dignitate ac beneficio uteretur, & ducentos octoginta malachinos, quos prædecessor ipsius Archiepiscopi domui Hierosolymitani Hospitalis & militiae Templi legaverat, & quos ipse T. publicè raperuerat de manibus testatoris, ab eo admonitus restituere non curaret, excommunicationis in ipsum sententiam promulgavit. Quia verò ipse, secundam sententiam & priorem contemnens, choro se ingessit Ecclesia Hydruntinæ, & admonitionem ipsius Archiepiscopi, qui eum à tam temeraria præsumptione de-

sistere commonebat, ac mandabat ut exiret Ecclesiam, quia erat excommunicationis vinculo innodatus, à sua præsumptione non destitutus, immo quod Archiepiscopus mentiretur per medios dentes respondit, & quod tanquam ventum ejus sententiam reputaret; Archiepiscopus ipse contumaciam tantam attendens, & considerans eum idiotam esse, & ad Cantoriæ officium minus aptum, ut pote qui horas diurni officij per se nec legere poterat nec cantare, & solam capitis tonsuram habebat, ac quia confessus fuerat quod conspiraverat contra Archiepiscopum, & manifestum erat eum contra juramentum quod ipsi præstiterat super fidelitate venisse, per sententiam dicta eum Cantoria privavit, & ipsam memorato nostro Notario concessit; ac postmodum bona memoria Celest. Papa prædecessor noster eandem sententiam confirmavit. Cùm igitur dictus Cardinalis quæ coram eo proposita fuerant in nostra præsentia retulisset, nos causam ipsam vestro duximus examini committendam; per apostolica vobis scripta mandantes quatenus eum pro absoluto habentes, inquiratis super præmissis diligentius veritatem; & si vobis constiterit post appellationem legitimè interpositam, vel alias, citra justitiam prefatum T. spoliatum fuisse, appellatione remota ipsum restitui faciatis, indicta sibi super præmissis criminibus purgatione canonica; in qua si forte defecerit, Cantoriæ sibi dignitas auferatur, & restituantur Notario sapienti pacificè possiden- da. Testes &c. cogantur. Nullis literis &c. si quæ apparuerint præter assensum partium &c. Datum Romæ apud S. Petrum, IX. Kalend. Iulij, Pontificatus nostri anno primo.

*C A N O N I C I S B A S I L I C Æ
principis Apostolorum tam præsentibus
quam futuris canonice submittendis in
perpetuum.*

Cum in lege veteri non solum labo- rum primitia, verum etiam hominem primogenita, Domino mandentur offerri, nos, quos ipse, licet immeritos, gratuito cœlestis gratia rore perfusos, ad summi Pontificatus apicem sublimavit, ut primogeniti simus in multis fratribus, cùm omne opus nostrum teneamus Domino consecrare, promotionis nostræ primitias ipsi fideliter offerre

Epi. 196.
Quod eorum
Ecclesiā, in qua
ipse Canonicus
fuerat, in hono-
rem Apostolo-
rum diuitem
reddere vult.